

Clâsse 632 – Set piece for Adults Advanced Level

Bella Natura par A.A. Le Gros

J'aime à m'assiéthe au bord d'la grève,
Jétant mes r'gards parsus la mé,
Entendre un chant tchi l'âme enlève,
Lé son des fliots quand veint lé sé.
J'aime à entendre l'cri dé la mauve,
Et vaie au pliein sauter l'sandron
Tchi dans ses creux sé cache et s'sauve,
Quand tout est calme à l'envithon.

J'aime à marchi dans les vallées,
Dans les gardîns, dans les côtis,
Où'est qu'les bouais font des allées
Et l'hèrbe donne un vèrt tapis,
Où'est qu'nou ouait la douoche alouette
Et lé mèrgot nos vait souôri,
Où'est qu'nous-s-entend la caûvette
Et l'potithon nou vait flieuthi.

Qué la natuthe est grande et belle,
Qué dé bieautés à l'entou d'nous!
L'pauvre et lé riche ont lus parcelle
Dé chein que Dgieu donne pour tous.
Si tout est si bé dans la vie
Et sus nos têtes et souos nos pids,
Si notre tèrre est si flieuthie,
Qué s'sa donc lé Paradis?

Go to the [Learn Jèrriais website](http://www.learnjerriais.org) to find the audio version of this... www.learnjerriais.org

